

tia: pars radunt comam, pars alunt: his nudum sinciput, illis occiput: aliis coma tota furrigitur in vertice, aliis parcè ad tempora utrimque propendet. Barbam, instar monstri, execrantur; ac si quis in mento succrescat pilus, statim vellunt. Viri æque ac feminæ imas auriculas pertundunt: & iis inaures è vitro, testivæ piscium, inferunt. Quo foramen amplius est, eo censent formosius. Nunquam ungues refecant. Europæos rident, qui defluentem è naribus humorem candidis sudariis excipiant, & Quo, inquit, rem adeo fordidam reservant isti? Saltantes curvant arcuatim corpus prono capite, & brachia sic agitant, ut qui farinam manibus subigunt, raucùm identidem grunnientes. Alvum infimam succingunt lato cortice, vel animantis pelle, aut versicolore panno, cetera nudi. Feminæ pelles ex humeris & collo promittunt ad genua. Zonas atque armillas, è concha veneria, quam vulgo porcellanam appellamus, aut feta hystricis non infcite contextas, gestant: torques hunc in modum confectos magno habent in pretio. Storas è marisco (junci marini genus est) fatis eleganter elaborant: iis pavementum sternunt, in iisdem carpunt fomnos, aut in vitulorum marinorum, fibrorumve mollibus exuviis. Dormiunt circa focum in mapali medio semper ardentem, si frigus est: sub dio, si æstas:

Menfam, aut cathedram, in casa tota videas nullam; in clunes subsidunt, simiarum instar: is vescentium,